

Батлав: Гүйцэтгэх Захирал...../Д.Дэлгэртуяа/

202... оны ... сарын ... өдөр

ГОТОПА БЯСАЛГАЛЫН АКАДЕМИЙН ДОТООД ЖУРАМ

(Журмын зорилго, хамрах хүрээ ба хэрэгжилтийн зарчим)

1. Зорилго ба Хамрах Хүрээ

1.1 Энэхүү журмын зорилго нь Готопа Бясалгалын Академийн үйл ажиллагааг зохион байгуулалттай, тогтвортой, шударга, ил тод байдлаар удирдах, академийн гишүүн бүрийн үүрэг хариуцлага, харилцааны соёл, ёс зүйн стандартыг тодорхойлох, мөн ажилтан, багш, сайн дурын ажилтан, бясалгагч, үйлчлүүлэгчийн хооронд үүсч болох үл ойлголцол, санал зөрөлдөөнийг ухаарал, эв зүй, шударга зарчимд тулгуурлан шийдвэрлэх механизмыг тогтоох зорилготой.

1.2 Энэхүү журам нь зөвхөн дотоод зохион байгуулалтыг тодорхойлох бус, академийн үнэт зүйл болох энэрэл, ухамсар, хүндэтгэл, хариуцлагын соёлыг өдөр тутмын үйлдэлд хэрэгжүүлэх үндэс суурь болно.

1.3 Журам нь Академийн бүх удирдлага, ажилтан, багш, сайн дурын ажилтан, бясалгагч, үйлчлүүлэгч нарт хамаарна.

1.4 Мөн академийн дотоод сургалт, зан үйл, хурал, арга хэмжээ, өдөр тутмын ажлын орчин, шууд болон шууд бус харилцаа, хамтын ажиллагааны бүхий л хүрээнд хамаарна.

1.4 Энэхүү журам нь академийн онцлог, Монгол Улсын холбогдох хууль дүрмүүдтэй уялдуулан боловсруулагдсан.

2. Ерөнхий Зарчмууд

2.1 Ил тод байдал: Академийн бүхий л үйл ажиллагаа, шийдвэр, харилцаа нь ойлгомжтой, ил тод байж итгэлцэл, хамтын ухамсрыг төлөвшүүлнэ.

2.2 Ёс зүй, шударга байдал: Ажилтан бүр өөрийн үйлдэл, үг, бодолдоо шударга, үнэнч байхыг эрхэмлэж, бусдыг үнэлэхдээ бодит үнэн, ёс суртахууны хэмжүүрийг баримтална.

2.3 Хүндэтгэл ба хүний эрх: Бүх хүнд эрх тэгш, хүндэтгэлтэйгээр хандах зарчмыг баримталж, итгэл үнэмшлийг хүлээн зөвшөөрнө.

2.4 Аюулгүй орчин: Бие, сэтгэл, оюун санааны хувьд тайван, итгэлтэй, халамжтай орчныг бүрдүүлж, хүн бүр хамгаалагдсан, дэмжигдсэн мэдрэмжтэй байх нөхцөл бүрдүүлнэ.

2.5 Мэдээллийн нууцлал ба өгөгдлийн хамгаалалт: Академид яригдсан хувийн мэдээлэл, бясалгалын туршлага, дотоод харилцааны өгөгдөл бүрийг нууцлан хадгалж, зөвшөөрөлгүй ашиглахыг хатуу хориглоно.

2.6 Хариуцлага, сахилга: Гишүүн бүр өөрийн үүрэг, амлалтад хариуцлагатай, байгууллагын дэг журмыг ухамсартай сахиж, үлгэр жишээ хандлагаар хамтын орчныг тэтгэнэ.

3. Байгууллагын бүтэц ба удирдлага

3.1 Удирдах зөвлөл- Академийн стратеги, бодлого тодорхойлох.

- Ерөнхий захирал
- Гүйцэтгэх захирал

3.2 Гүйцэтгэх захирал- Академийн өдөр тутмын үйл ажиллагааг удирдан чиглүүлнэ.

3.3 Үйл ажиллагаа, санхүүгийн алба - академийн үйл ажиллагаа, төсөв, санхүүд хяналт тавьж, өдөр тутмын ажил болон санхүүгийн удирдлагыг зохицуулна.

3.4 Хүний нөөцийн алба- Ажилтнуудын сонгон шалгаруулалт, сургалт, хөгжүүлэлт зохион байгуулна.

3.5 Сургалтын алба - Бясалгалын багш, сэтгэл зүйч, судлаачдаас бүрдэж сургалтын хөтөлбөр боловсруулна, олон нийтэд мэдээлэл түгээх, хамтын ажиллагааг хөгжүүлнэ

3.6 Маркетинг, гадаад харилцааны алба - сошиал медиа, олон нийттэй харилцах, онлайн платформ, аппликэйшн хөгжүүлэлт.

4. Хүний Нөөц, Ёс Зүй ба Ур чадвар Хөгжүүлэлт

4.1 Ажилд авах, шалгуур

- Албан тушаал бүрийн тодорхой шаардлага, бүрэн үүрэг, ажиллах нөхцөл заагдана
- Ёс зүйн шалгуур, сэтгэл зүйн зохистой байдлыг харгалзан ажилд авна
- Шинэ ажилтанд анхан шатны ёс зүйн, ажлын байрны сургалт өгнө

4.2 Сургалт ба хөгжүүлэлт

- Жил бүр ажилтан ёс зүйн хөгжлийн төлөвлөгөөг боловсруулж хэрэгжүүлнэ
- Ёс зүй, харилцааны ур чадвар, асуудлыг шийдвэрлэх, стресс менежментийн сургалтууд зохион байгуулна

4.3 Ёс зүйн дэг, харилцааны дүрэм

Доорх зарчмуудыг бүх ажилтан мөрдөнө:

- Хүндэтгэлтэй харилцах: ажилтнууд, багш, бясалгагч, үйлчлүүлэгчдэд хүндэтгэлтэй, эерэг ухамсартай хандана
- Шударга байдал: бүх үйлдэлд нээлттэй, шударга хандах
- Нууцлал: хувийн мэдээллийг нууцалж хамгаалах
- Харилцааны хил хязгаар тогтоох: худал ярих, гүжирдэх, гүтгэх, доромж үг хэлэх, хов ярихгүй байх
- Зөрчил гарсан үед хамтарсан үнэлгээ: зөрчил гаргасан талууд тайлбар хэлж, нөхцөл байдлыг хамт шийдвэрлэнэ

5. Ажилчид хоорондын үл ойлголцох харилцааг шийдвэрлэх журам

5.1 Хүний харилцааны үл ойлголцол

- Доромжилсон үг, үйлдэл, дохио, хов ярих, үл хүндэтгэх үйлдэл, ажлын байран дээр хувийн сөрөг хандлагаар хандах, бухимдал гаргах зэрэг үйлдэлийг ажилтан, бясалгагч, үйлчлүүлэгч нарт гаргахгүй.

5.2 Гомдол бичих эрх ба сувгийн бүтэц

- Ажилтан нь зөрчилд өртсөн бол Гүйцэтгэх Захирлаар эсвэл Ёс Зүйн Зөвлөлөөр дамжуулан гомдлоо бичгээр, цахимаар болон тухайн үеийн дүрс бичлэгээр баримтжуулж өргөдөлд нэмэлтээр оруулж болно.
- Гүйцэтгэх захирал нь дээрх харилцааг шийдвэрлэхдээ өргөдөл гаргасан ажилтан болон холбогдох ажилтанг хамт байлцуулан шийдвэр гаргана
- Гомдлыг хүлээн авсанаас хойш ажлын 5 өдөрт шийдвэрлэнэ.
- Зүй бус харилцаа гаргасан нь үнэн бол тухайн ажилтанд сахилгын шаталсан арга хэмжээ авна
- Нууцлалын зарчмыг чанд баримтална

5.3 Шалгалт ба хэлэлцүүлэг

- Гомдолтой талуудыг хамруулаад хэлэлцүүлэг, тайлбар авах
- Ёс Зүйн зөвлөл шаардлагатай бол гомдлыг эргээд хянах, нэмэлт мэдээлэл цуглуулах эрхтэй

5.4 Шийтгэл ба Сахилгын Арга хэмжээ (Шаталсан)

- Сануулга (ам, бичиг): Тус дотоод журмын 4.3 заалтыг зөрчсөн бол аман эсвэл бичгээр анхааруулна
- Албан ёсны анхааруулга, цалингийн бууралт: Тус дотоод журмын 4.3 заалтыг давтан зөрчсөн эсвэл хүнд зөрчил гаргасан бол бичгээр анхааруулга өгч, тухайн сарын цалинг 5% -аар бууруулж тухайн мөнгөн дүнг өргөдөл гаргасан хүнд шилжүүлнэ.

- Цалингаас хасах - Цалингийн бууралт: Ноцтой эсвэл дахин давтагдсан зөрчилд тухайн сарын цалинг 15% -аар бууруулж тухайн мөнгөн дүнг өргөдөл гаргасан хүнд шилжүүлнэ.
- Гэрээ цуцлах - Халагдах: Зөрчил нь системтэй, байгууллагад хохирол учруулсан тохиолдолд Хөдөлмөрийн хуулийн дагуу хөдөлмөрийн гэрээг цуцлана.

5.5 Эрх буцаах боломж

- Шийтгэлд сэтгэл ханамжгүй тал үг хэлэх боломжтой
- Залруулга хийх боломжийг хуулийн дагуу олгоно

6. Санхүүгийн Удирдлага, Төлбөр Тооцоо ба Дотоод Хяналт

6.1 Санхүүгийн бодлого

- Төсөв, тайлан, аудитын бодлогыг УЗ батлана
- Гадна, дотоод аудит тогтмол хийлгэх

6.2 Төлбөр хүлээн авах журам

- Төлбөрийг зөвхөн албан ёсны данс, кассаар хүлээн авна
- Баримт бичиг (кассын баримт, чек, электрон гүйлгээ зэрэг) заавал өгнө

6.3 Дотоод хяналт

- Гүйлгээ хийхэд заавал дээд удирдлагаас зөвшөөрөл авна
- Том худалдан авалтад тендер эсвэл үнийн санал авна
- Санхүүгийн шалгалтын чек-лист хэрэглэнэ

6.4 Буцаах нөхцөл ба бодлого

- Сургалт эхлэхийн өмнө буцаах нөхцөлийг тодорхой заана
- Хүсэлт ирвэл хугацаа нь хэр хугацаанд буцаах эсэх зэргийг журамд тусгана

6.5 Ил тод байдлын зарчим

- Орлого, зарлагын улирал тутмын тайланг удирдлагад танилцуулна.

7. Мэдээллийн Нууцлал ба Өгөгдлийн Хамгаалалт

7.1 Хувийн мэдээлэл

- Ажилтан, оролцогчдын хувийн мэдээллийг зөвшөөрөлтэйгээр цуглуулна
- Гуравдагч этгээдэд мэдээлэл шилжүүлэх бол зөвшөөрөл авна

7.2 Нэвтрэх хяналт, эрх

- Өгөгдөлд хандах эрхийг үүрэг хариуцлагын дагуу хязгаарлана
- Нууцлал зөрчигдсөн тохиолдолд Шууд Ёс Зүйн Зөвлөлд мэдээлнэ

7.3 Өгөгдлийн устгал, хадгалалт

- Хуучирсан, ашиглахгүй өгөгдлийг аюулгүй устгана

8. Ажлын Байрны Цэвэрлэгээ, Эмх Цэгц ба Орчны Соёл

8.1 Өдөр тутмын цэвэрлэгээ

- Өдөр бүрийн ажлын өмнө болон дараа ажлын байр, танхим, хэрэгслийг цэвэрлэнэ
- Өглөө бүр бүх гишүүд хамтдаа “5 минутын цэвэрлэгээний дэг”-ийг хэрэгжүүлнэ
- Хоол, ус, хувийн эд зүйлсийг зориулалтын хэсэгт байрлуулна
- Цэвэрлэгээ хийсний дараа бүх орон зайг анхны байдалд нь сэргээж үлдээнэ

8.2 Хувийн орон зай ба ажлын ширээ

- Ажлын ширээг эмх цэгцтэй байлгана
- Бичиг хэрэг, төхөөрөмж бүр тодорхой байрлалтай байна
- Хувийн эд зүйл (хоол, хувцас) нь ажлын ширээн дээр ил байрлахгүй, зориулалтын тавиурт хадгална

8.3 Нийтийн талбайн эмх цэгц

- Хурал, сургалтын өрөө, бясалгалын танхим, гал тахилгын орон зайг тусгайлсан дэгийн дагуу арчилж анхны байрлалд нь сэргээнэ (агаар сэлгэх, хог хаягдлыг ангилах)
- Нийтийн хэрэгслийг хэрэглэсний дараа угааж, буцааж байрлуулна
- Байгальд ээлтэй хэрэглээ, хог ангилалт, ус, цахилгааны хэмнэлтийг ухаалаг хэрэгжүүлнэ
- Цэвэр орчныг бүрдүүлэхийн тулд үнэр дарагч, ууршуулагчийг тогтмол шалгана

9. Аюулгүй Байдал ба Бие Махбодийн Хамгаалалт

9.1 Ажлын байрыг хамгаалах

- Гал, осол, аюулгүй байдал, анхны тусламжийн зааварчилгаа, төлөвлөгөөтэй байна
- Ажилтан, багш нар нь аюулгүй орчиныг бүрдүүлэн ажиллана

10. Нийгмийн ёс зүй, экологи ба нийтийн хариуцлага

10.1 Байгаль, хөрс, орчныг хамгаалах зарчмыг баримтална

10.2 Хуванцар хэрэглээ багасгах, хог хаягдлыг ангилах, дахин ашиглах талаар дэмжлэг үзүүлнэ

10.3 Олон нийт, бясалгагчидтай шударга, хүндэтгэлтэй харилцааг дадуулах

11. Бүртгэл, Хяналт ба Шинэчлэл

11.1 Хяналт

- Журмын хэрэгжилтийг удирдлагын бүрэлдэхүүн, ёс зүйн зөвлөл жил тутам үнэлнэ

11.2 Шинэчлэл

- Хууль, дүрэм, стандартыг жил бүр нягталж шинэчилнэ
- Томоохон үйл ажиллагааны өөрчлөлт, шинэ хууль дүрэм гарсан тохиолдолд УЗ болон Ёс Зүйн Зөвлөл яаралтай шинэчилнэ

12. Баталгаажуулалт ба Гарын Үсэг

Энэхүү журмыг Гүйцэтгэх Захирал баталж, албан тушаалтангууд гарын үсэг зурна.